

臧僖伯谏观鱼

隐公五年

左 传

春、公将如棠观鱼者。

同

如、往也。棠、鲁之远地。隐公将往棠地陈鱼而观之。

臧僖伯谏曰、凡物不足以讲

大事、其材不足以备器用、则君不举焉。

物、鸟兽之属。讲、习也。大事、谓祀与戎也。材、谓皮革齿牙、骨角毛羽也。器用、军国之资。举、行也。此言君人之

道、以军国祀戎为重、以游观宴乐为轻。○提出君字作主。三句、是一篇之纲领。

君将纳民于轨物者也。

一定者、为轨。当然者、为物。○承上君字转下、见得君之所举、关系甚大。轨字承凡物句。物字承其材

句。观下文自见。

故讲事以度、轨量谓之轨。

轨有差等曰量。

取材以章物采谓之物。

物有华饰曰采。

不轨

不物、谓之乱政。乱政亟行、所以败也。

反收四句、以明则君不举之故。

故春蒐、

搜、夏苗、

秋猕、

先上声、

冬狩、

蒐、苗、猕、狩、皆猎名。蒐、搜索、择取不孕者。苗、为苗除害也。猕、杀也。以杀为名、顺秋气也。狩、围守也。冬物毕成、获则取之、无所择也。

皆于农隙以讲

事也。

四时讲武、各因农力之闲。

三年而治兵、入而振旅、

虽四时讲武、犹复三年而大习。出曰治兵、入曰振旅。振、整也。旅、众也。谓整众而还也。

归而饮

至、

归乃告至于庙而饮。

以数、

上声、

军实。

以计军徒器械及所获之数。

昭文章、

昭、著也。君、大夫、士、车服旌旗、各有文章。

明贵贱、

田猎之制、贵者先杀。所以明君、大

夫、士、庶人之贵贱。

辨等列、

辨上下之等第行列。坐作进退皆是也。

顺少、

去声、

长、

掌、○出则少者在后、殿师之义。所谓顺也。

习威仪也。

皆所以讲习上下之威仪

也。○此一段、应讲大事句。

鸟兽之肉、不登于俎、

谓不足登于俎、以供祭祀。

皮革齿牙、骨角毛羽、不登于

器、

谓不足登于法度之器、以为采饰。

则君不射、石、古之制也。

君不亲射。此古先王之法制。○此一段、应备器用句。

若夫山林川泽之

实、器用之资、皂隶之事、官司之守、非君所及也。

山林、谓材木樵薪之类。川泽、谓菱芡鱼鳖之类。所资取以为器用者、是贱臣皂隶之

事、小臣有司之职、非君之所亲也。○此一段、应君不举句。

公曰、吾将略地焉。

言欲按行边境、不专为观鱼也。○饰说。

遂往。陈鱼而观之。

陈、设张也。公大设

捕鱼之具而观之。

僖伯称疾不从。书曰、公矢鱼于棠、

矢、亦陈也。

非礼也、且言远地也。

非礼便是乱政。棠实他

境、故曰远地。

隐公以观鱼为无害于民。不知人君举动、关系甚大。僖伯开口便提出君字、说得十分郑重。中间历陈典故、俱与观鱼映照。盖观鱼正与纳民轨物相反。末以非礼斥之。隐然见观鱼即为乱政、不得视为小节、而可以纵欲逸游也。